

UGOVOR

o advokatskim uslugama

zaključen u Sarajevu dana 17.03.2020. godine

na osnovu člana 87. stav (3) Zakona o javnim nabavkama („Službeni glasnik Bosne i Hercegovine“, broj: 39/14) i člana 11. Pravilnika o postupku direktnog sporazuma i o javnim nabavkama Kantonalne agencije za privatizaciju, između

1. Kantonalna agencija za privatizaciju, ul. aleja Bosne Srebrene bb, Sarajevo, koju zastupa Sead Hodžić, direktor (u daljem tekstu: KAPSA)
- i
2. Feđad Začiragić, advokat iz Sarajeva, ul. Koševo 10, ID broj: 4301434180001 (u daljem tekstu: Advokat)

Član 1.

Ugovor se zaključuje na osnovu prethodno provedenog postupka javne nabavke usluga zastupanja, savjetovanja i konsultovanja, postupkom direktnog sporazuma i na osnovu Odluke o izboru najpovoljnijeg ponuđača i dodjeli ugovora u postupku direktnog sporazuma broj: 21-01-45-17-6 od 16.03.2020. godine.

Ugovorne strane su saglasne da KAPSA u okviru svog poslovanja treba osigurati kvalitetnu i stručnu pravnu pomoć radi što adekvatnijeg osiguranja zakonitog ostvarivanja svoje poslovne djelatnosti, u koju svrhu se sklapa ovaj ugovor.

Član 2.

Predmet ugovora je usluga zastupanja Kantonalne agencije za privatizaciju u postupcima koji se vode pred Općinskim i Kantonalnim sudom u Sarajevu, kao i usluge konsultovanja i savjetovanja u vezi sa obavljanjem poslova iz nadležnosti Kantonalne agencije za privatizaciju, u periodu od 19.03.2020.godine do 19.03.2021.godine.

Usluge zastupanja se odnose na sljedeće predmete:

1. predmet pod brojem 65 0 Ps 189285 Ps 3, vrijednost spora: 1.112.826,20 KM (na II-stepenom odlučivanju);
2. predmet pod brojem 65 0 Ps 064340 08 Ps, vrijednost spora: 6.310.860,99 KM;
3. predmet pod brojem 65 0 Ps 096630 19 Ps 4, vrijednost spora: 463.895,57 KM u novcu i 2.628.742,00 KM u certifikatima;
4. predmet pod brojem 65 0 P 748685 19 P, vrijednost spora: 1.564.014,00 KM;
5. predmet pod brojem 65 0 P 766684 19 P, vrijednost spora: 8.745.415,00 KM;
6. predmet pod brojem 65 0 P 045883 15 P 2, vrijednost spora: 100.000,00 KM;
7. predmet pod brojem 065 0 P 06 001188, vrijednost spora: 1.320.690,00 KM;
8. predmet pod brojem P-2490/05, vrijednost spora: 728.600,00 KM;
9. predmet pod brojem 65 0 Ps 088039 16 Ps 3, vrijednost spora: 3.092.637,00 KM,

kao i zastupanje u još 2 predmeta koja bi se eventualno pokrenula u toku ugovornog perioda.

Član 3.

KAPSA se obavezuje da za svaki predmet koji se advokatu ustupa na zastupanje blagovremeno dostavi posebna punomoć i potrebna dokumentacija koja se odnosi na predmet spora.

Uz dostavu dokumentacije KAPSA će u pismenom podnesku dati svoje mišljenje i označiti službenu osobu KAPSA s kojom advokat može vršiti komunikaciju u vezi sa predmetom spora.

Član 4.

Advokat se obavezuje sve poslove iz člana 2. ovog ugovora obavljati savjesno i odgovorno, poštujući pravila svoje profesije i respektujući postojeći pravni poredak, te u okviru advokatskog zadatka i etike zalagati se maksimalno za interese KAPSA.

Ugovorne strane su saglasne da iznos cjelokupne eventualne materijalne i nematerijalne štete koja može nastati za obje ugovorne strane po bilo kojoj radnji u toku realizacije ovog ugovora ograniči na iznos od 100.000,00 KM maksimalno, što uključuje naknadu svakog oblika štete, naknadu svih troškova i kamate u vezi sa tim.

Član 5.

Ugovorne strane su saglasne da po okončanom postupku u korist KAPSA a temeljem sudske odluke o troškovima na teret druge strane, dosuđeni sudski troškovi koji se odnose na zastupanje pripadaju advokatu, dok KAPSA pripadaju dosuđeni troškovi sudskih taksi, vještačenja i drugi materijalni troškovi koje je KAPSA snosila u postupku.

Advokat ima pravo i na naknadu materijalnih troškova u vezi sa pružanjem usluga (troškovi službenog puta i sl.).

Član 6.

Ugovorne strane ovim ugovorom su dogovorile cijenu za advokatske usluge iz člana 2. ovog ugovora, prema ponudi advokata od dana 10.03.2020.godine, koja je sastavni dio ovog ugovora, što predstavlja mjesečni paušal u iznosu od 500,00 KM (slovima: petsto konvertibilnih maraka), bez obračunatog poreza na dodatu vrijednost, odnosno za ugovorni period ukupno 6.000,00 KM (slovima: šest hiljada konvertibilnih maraka), bez obračunatog poreza na dodatu vrijednost.

Plaćanje će se vršiti u iznosu iz prethodnog stava, uvećanom za iznos poreza na dodatu vrijednost, počev od 19.marta 2020.godine, na osnovu fakture koju će advokat ispostavljati do 10-og u mjesecu za prethodni mjesec.

Advokat se obavezuje na nepromjenljivost ponuđene cijene tokom ugovornog perioda.

Član 7.

KAPSA može otkazati ugovor u svako vrijeme, s tim što je u tom slučaju dužna platiti sve do tada obavljene usluge i troškove, u skladu sa ovim ugovorom.

Advokat može otkazati ugovor sa otkaznim rokom od 30 dana, pri čemu mora voditi računa da se otkaz ne smije negativno odraziti na interese KAPSA.

Član 8.

Ugovorne strane su saglasne da eventualne sporove nastale u izvršenju ovog ugovora rješavaju mirnim putem, u suprotnom nadležan je sud u Sarajevu.

Član 9.

Ovaj Ugovor se zaključuje na period od 12 mjeseci, od 19.marta 2020.godine do 19.marta 2021.godine.

Član 10.

Ovaj ugovor sačinjen je u 4 (četiri) istovjetna primjerka, od kojih svaka strana zadržava po 2 (dva).

ADVOKAT

Fedžad Začiragić

Broj: 21-01-45-17-7
Sarajevo, 17.03.2020.godine



Kantonalna agencija za privatizaciju

Sead Hodžić, dipl.oec.

